

Faingofua ange ‘a e folau mei ‘Aositelēlia ki Nu‘u Sila ma‘á e Pasifikí

Mei he ‘aho 3 ‘o Nōvemá ‘e lava ai ke folau ‘a e kakai mei he ngaahi fonua ‘o e Pacific Island Forum ki Nu‘u Sila mei ‘Aositelēlia ‘aki ha **New Zealand Electronic Travel Authority (NZeTA)**, ka e ‘ikai fiema‘u ke toe tohi kole ki ha visa.

Ngaahi fiema‘ú

Ke malava ‘o kau ki ai kuo pau ki he kau folaú ke:

- Folau ki Nu‘u Sila **mei ‘Aositelēlia**. ‘Oku ‘ikai kau ki heni ‘a e fou mai (transiting) ‘i ‘Aositelēlia.
- ‘I ai ha‘o **visa ‘oku kei ‘aonga ki ha folau ki ‘Aositelēlia** ‘i he taimi ‘o ho‘o folau ki Nu‘u Silá
- ‘I ai ha‘o NZeTA ‘oku kei ‘aonga
- Fakakakato ‘a e ngaahi fiema‘u ki he tu‘unga ‘o e NZeTA ke **‘ulungaanga lelei, mo‘ui lelei** pea hoko foki ko ha **tokotaha ‘a‘ahi mo‘oni** ‘o foki ki ‘api ‘i he faka‘osinga ‘o e folaú.

New Zealand Electronic Travel Authority (NZeTA)

Ko e ‘i ai ko ia ‘o ha NZeTA, te ke lava ai ‘o:

- folau ki Nu‘u Sila ‘o ‘ikai tomu‘a tohi kole ki ha visa
- nofo ‘i Nu‘u Sila ‘o a‘u hake ki ha māhina ‘e 3 ‘i he fo‘i folau takitaha
- toutou folau ki Nu‘u Sila lolotonga ‘oku kei ‘aonga ho‘o NZeTA. Kuo pau ke ke folau mei ‘Aositelēlia ‘i he fo‘i taimi takitaha.

‘E ‘ikai malava ke ke ngāue ki ha kautaha Nu‘u Sila kapau ‘okú ke hū mai ki he fonuá ni ‘aki ha NZeTA.

Founga ke tohi kole aí

Tohi kole ki ha NZeTA ‘i he **uepisaiti faka‘ofisiale ‘a e Immigration New Zealand: [New Zealand Electronic Travel Authority \(NZeTA\) :: Immigration New Zealand](#)**, pe tukuhifo ‘a e app ki he NZeTA ‘oku ta‘etotongi pē.

Totongi

Ko e totongi ki he NZeTA ‘oku **\$17** pē ‘i hono ngāue‘aki ‘a e **app**, pe **\$23** ‘i hono ngāue‘aki ‘a e uepisaiti INZ.

Vaha‘a taimi ‘o e ngāue ki aí

Faka‘atā ha houa ‘e a‘u ki he 72 ki ho‘o tohi kole ki he NZeTA ke fakahoko ai ‘a e ngāue ki aí, neongo ‘oku fa‘a vave ange ia aí.

Ngaahi visa 'Aositelēlia 'oku 'atā ki aī

FA600 - 'Eve'eva (Visitor)	TO300 - Visa ki ha hoa 'amanaki ke mali (prospective marriage partner) (fakataimi)	UC457 - Pisinisi (nofo lōloa)
TU500 - Ako (student)	GA400 - Ngāue fakataimi (nofo taimi nounou 'a ha mataotao)	VF476 - Pōto'i ngāue (skilled) – Ma'u Tohi Fakamo'oni Ako 'oku Tali (Recognised Graduate)
UR162 – Tokotaha 'Inivesi (fakataimi)	GF407 - Ako Ngāue (Training)	GK482 - Pōto'i Ngāue 'oku Fiema'ua (Skills in Demand)
UY405 - Tokotaha 'Inivesi kuo mālōlō mei he ngāué (Investor retirement)	TQ410 - Mālōlō mei he ngāué (Retirement)	VC485 - Visa Fakataimi ki he Kau Ma'u Tohi Fakamo'oni Akó (Temporary Graduate visa)
UR163 - Tokotaha Ma'u Pisinisi 'oku Siponisoa 'e he State/Territory (fakataimi) (State/Territory Sponsored Business Owner - provisional)	TZ417 - 'Eve'eva mo Ngāue (Working Holiday)	SP489 - Pōto'i Ngāue Faka-Vahe-Fonua (fakataimi) (Skilled Regional - provisional)
UR164 - Pule Ngāue Mā'olunga 'oku siponisoa 'e he State/Territory - (fakataimi) (State/Territory Sponsored Senior Executive - provisional)	TK445 - Visa ki ha ki'i Leka 'oku Nofo Fakafalala (Dependent Child)	PS491 - Pōto'i Ngāue Faka-Vahe-Fonua (fakataimi) (Skilled Work Regional - provisional)
UR165 - Tokotaha 'Inivesitoa 'oku Siponisoa 'e he State/Territory - (fakataimi) (State/Territory Sponsored Investor - provisional)	UP461 - Fāmihi mo ha tangata'i/fefine'i fonua Nu'u Sila (New Zealand citizen family relationship)	PE494 - Kautaha Pōto'i 'oku Siponisoa 'i he Vāhenga Fakafonua (fakataimi) (Skilled Employer Sponsored Regional - provisional)
UT173 - Mātu'a Tauhi Fānau ke Tokoni (fakataimi) (Contributory Parent - temporary)	US462 - Ngāue mo 'Eve'eva (Work and Holiday)	TV651 - Visa 'Eve'eva Faka'ilekitulōnika (- e-Visitor)
EB188 - Pisinisi, 'Ilo Fo'ou mo e 'Inivesi (Business, Innovation and Investment)	UU884 - Mātu'a Tauhi Fānau Toulekeleka ke Tokoni (Contributory Aged Parent)	UR160 - Tokotaha Ma'u Pisinisi (fakataimi) (Business Owner - provisional)
UK820 - Visa ki ha Hoa (Partner Visa)	GH870 - Mātu'a Tauhi Fānau 'oku Siponisoa (Sponsored Parent)	UR161 - Pule Mā'olunga (fakataimi) (Senior Executive - provisional)
TU590 - Tokotaha Tauhi ki ha Tokotaha Ako (Student Guardian)		

Ngaahi fonua 'o e Pacific Island Forum 'oku 'atā ki aí

'Oku ngāue'aki 'a e ngaahi liliu ko 'ení ki he ngaahi fonua ko eni 'o e Pacific Islands forum:

Ko e Federated States of Micronesia	Palau	'Otu Motu Solomoné
Fisi	Pāpua Niu Kini	Tonga
Kilipati	Lepapilika 'o e 'Otu Motu Māsóló	Tuvalu
Naulu	Ha'amoá	Vanuatu